

徐元歎先生殘稟
集詩
霜燕市猿雜



中華人民
民主政
府文書



1981^o

徐元歎先生殘稟

徐元歎 撰

中華書局

叢書集成初編

徐元歎先生殘藁（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

徐元欵先生殘集

此據滂喜齋叢書
本排印初編各叢
書僅有此本

序 附

古人之善爲詩也。非盡以其才也。則才人之不善爲詩也。亦非盡其才之罪也。何也。根不靜而神躁。不靜則浮。躁則粗。粗浮無當於人。而當於詩乎哉。夫才者。世俗之所炫。而至人之所不屑居者也。才大而無以養之。猶足爲患。況乎其無所有也。故山水花鳥。皆含妙理。冥心元對。猶恐失之。而麌蘖閨帷之趣。酒淫色癖者。覲面錯過。而幽人老衲。從旁摹寫。反入精微。則詩之爲用可思矣。若吾友徐元歎。則今之靜人也。天性本靜。而學以充之。故其發而爲詩。淵然穆然。和平溫厚。不惟離近人之跡。并化其才人之氣。然予去歲讀元歎詩。則就刪妙於采蘋。而讀近日詩。又妙於就刪。學益深。則道益進。根益靜。則神益恬。詩之機候。日新而不自知矣。嗟乎。靜而無才者。與詩絕者也。才而不靜者。與詩隔者也。吾言不信。請以元歎證之。天啓元年辛酉五月端陽前三日。友弟馬士英撰。

跋

癸卯三月四日偕序伯過白馬澗訪通濟庵覺阿上人飯蔬於五百梅花草堂中茶話抵暮而返案頭見元歎先生浪齋新舊詩一冊落木庵詩二冊補遺一冊假歸讀之錄存此帙先生高風清節世所共知詩如其人純乎山澤之氣是帙祇就我意錄之非謂先生之詩之美者盡在是也瑤草一序佛頭著糞然語能入微存其文正惡其人之聰明自誤爾苕生葉廷培識

余與調生丈避地申江樂數晨夕近日余移寓城中稍稍間隔暇出北城訪丈於普安里丈亦新移寓也談次出示此卷元歎先生詩清逸在骨不落凡纖卽士英序語亦復超妙相與奇詫之或謂此序宜割去夫當士英擅政時以清職羅致先生先生拂袖竟去想其友朋之間方將割席席可割而序不可割乎然先生晚年曾不以士英旣敗而棄中遂去其序殆亦不以人廢言耳幸附先生流傳至今亦何弗仍存之善夫調生丈之言哉因附錄於後云同治紀元壬戌四月郡後學潘鍾瑞跋後

徐元歎先生殘藁

浪齋新舊詩

明 徐元歎撰

夜寒與劉石君陳伯迎叩達公河畔禪居

月斜道少人。風吹簷獨舞。入戶燈光微。古佛爲之主。斧冰析寒薪。茗椀味餘苦。城上雙鶴鳴。歸途各自取。

獨居苦雨書示友生

出游已恨水煙窮。遂少芳菲媚屢空。門掩不離春雨內。夢寒常在落花中。別時渡水城陰晚。幾日鄰家柳色通。躍馬相尋誰便得。擁書長歎想能同。

再宿包山蔡居士湖上居

湖山相與晚。秋館自多陰。黃葉悲遺老。孤燈攝夜心。蘆花月上易。水色雁來深。彷彿當年事情生。不自今。

槎山庵尋碧上人不遇

短松行不盡。牆缺亦通人。古屋西風破。小池寒菜新。客來燈是主。葉落寺無鄰。夙有營巢意。低徊繞砌頻。

寓雨公二楞庵適吳興顧默孫至同登槎山瞰大湖

禪扉掩殘雪。門外繁輕舠。居者誠非易。君行無乃勞。看花隨意遠。望水略宜高。習靜松窗下。心清聞夜濤。

七月初六夜聞笛

徐元歎先生殘藁

鄰笛起閑暇。城隅夜遂幽。涼風書雜恨。安枕接新秋。星月滿深巷。水天涼一樓。尋聲無處所。空露但悠悠。
若邪溪。望對岸。雲門諸峰。云中有三十六灘。溪流宛轉。會日暮。無人至路口而返。
秋溪如月上。轉泛無終窮。微波出城路。幾樹迎船風。衆慮一洒濯。遠色久玲瓏。峰影半水面。秦望標其空。
人間仰蒼翠。山中閉洪濛。思乘青竹筏。周流元氣中。日落松柏裏。先夜水仙宮。風雲多氣勢。獨立憇余朝。
靈境遂相失。分手但西東。

越溪夜宿夢鍾伯敬

獨臥悲搖落。宵深接淚痕。共依殘燭影。復理早秋言。水月非無路。衣冠皆有魂。知君今夜憶。謂我在吳門。

辛酉元日偶題

再有勞生日。柄遲此世間。閉門宜客去。疎雨得人閑。弱柳煙將寓。荒池水漸還。獨居自無限。可想在深山。
登北樓臨小池傳是唐六如先生故居

野館閉空綠。伊人甯久離。樓寒常近夜。草色漸過池。自顧敢云客。相逢或不疑。蓬蒿正滿眼。猶是著書時。
沈雨若見示徐文長畫雜花卷

徐生畫花備四時。惟須佳墨與臙脂。用墨亦在花葉外。墨所不及具花態。寒幹疎梅開遠天。敗荷枯荻淡
多烟。高情豈必求形似。蜜蜂蝴蝶生其間。俠烈詼諧無不露。令人喜亦令人怒。一草一木無常形。筆端成
物如風雨。醉眼迷離燭影闌。風日佳時更借看。

李僧筏出其尊人長蘅畫冊因題其上

醉醒俱不去夜坐羣情密端居云多暇水石隨意抹舟來攜數方撥拾已成帙篋笥但隨身貯者不敢奪明燈高寥寥卷舒無促迫獎譽漫俗情深賞示以默而翁臨發辰授子以爲別寶此差足贊冰清未可忽奉之爲良規我猶曰形迹而翁邱壑徒讀書難自沒翹翔筆墨間誰敢闖工拙吾子天機深矧是名父出今古略宜觀安事求其末

過錢塘將訪馮三於湖上雨不果行

積雨羣峰困遙愁倚碧屏陰晴關友誼車馬有離心幸免一回別留爲雨念深無邊悲喜境付與夢中尋

南屏山尋浪泊上人不遇

羈愁成暮雨聊且卽扁舟聞說南屏近心知西閣幽煙波爲此約水石未忘秋講席紛然散斯人不可求

六月十八與陳古白呂子傳集顧青霞新構水亭觀粉壁畫松累石爲地畫松其上

水觸牆根爲日久新亭面此開軒牖不能更間置亭時有亭有水可無疑已忘熱客披衣苦便覺涼天列坐宜壁間水氣堪嫵媚松石無端思坐致雙柯脫手助清寒更令詞客歌其事歌殘月出臥縱橫恍聽螺溪嶺上聲謂松能風余非佞孰物有形無性命主人累石畫者機畫者含毫聽指揮松不瘦肥石不瘦松耶石耶同時有耶石耶同時有

涼秋寄林茂之

徐元欽先生殘藁

不知何處別。徒憶晤時顏。野閣聞初就。孤情倘遂間。浮名秋草沒。小夢一舟間。來信非難寄。新寒有客還。

涼夜懷鏡新上人

久坐身無影。知師心已安。蟲悲天地窄。月近水雲寬。猥巷違羣動。荆扉閉小寒。是能從所悅。持此寄人難。

送浪泊上人還南屏

草色門前路。歸期可奈何。久留荒寺冷。相與早梅過。細雨貧交去。春流人事多重游。有我輩。亦未歎蹉跎。

月下與商孟和尋陳古白於鐵佛山房

月中坦步似乘虛。忽憶幽人靜默居。燈火叩門通款款。衣冠隱几出徐徐。向衰有幾相逢地。少賤空多未。讀書天與浮名宜漸棄。亂離持此欲焉如。

宿弁山積善寺同周虛生作

雲峰終不近。石路寺門前。霜蔓懸瓜重。風庭聚葉圓。殘燈連曙鳥。衆響入鳴泉。愛此清虛夜。與君得晏眠。

佛慧芍藥未花時與僧有約及春殘往看僧采茶不歸花已半落矣

小巷春陰石逕斜。偶尋舊約看殘花。亂頭粗服誰相借。雨打風吹敢怨嗟。昨日繁華惟有夢。芳魂歸去已無家。盛年何限隨流水。愛惜紅顏計轉差。

十七夜燈事轉盛士女縱觀從顧青霞家醉歸因書即目

春街賞愛競招尋。軟語如聞已見侵。柔幙但添迴顧影。疎簾難障夜行心。衣沾香霧經餘唾。地擲微聲憶

墮簪留取歸途殘醉在放教紅燭對斜吟

答董遐周

運往闊詞人無以名一代小儒幽莽求字句爭險怪置之耳目前無異於辭疥所思在吳興托疾寒溪內高臥護風騷隙中數流輩我昔望其廬暑雨驟明晦門外盛蛙聲虛庭敝閒界茫然失所攜投書急引退珍重接遙緘雜花盈手在賞譽或過情顏汗未敢拜春天夢無涯往往赴親愛迎我不下牀一笑牽蘿帶

春寺早茶采寄鄭明府

僧窗嫩葉無心發并付幽人采摘宜薄質見收香色異餘甘深仗齒牙知羣盛餚裏愁經雨新火寒泉共一時黃鳥聲中銜舍掩竹爐煙細獨斟遲

臘月初四夜乍見新月喜葉晉卿自嶺表還洞庭山

捲簾纖月露寒姿記否殘更相送時於世浮沉能不倦在身圓缺豈堪思古城雪上歸人跡三載貧居少婦持洞府就君商避地盡將雞犬一朝移

題陳古白虎邱借讀齋

高齋無主閉春風能讀離騷付乃公未見伯通來廡下常如貧女在光中研田腹笥遷皆易浙米樵薪累卽同每恨世人稱我宅此山尙爾寄虛空

代書答王子彥

未覺伊人遠。朝來接素書。有懷春雪盡。相謂落花初。水國交殘夢。烟窗謹獨居。新苔知滿砌。到日爲君除。

自天池落木庵看梅過竹塢擬至光福極繁盛處。

靜居得天心。特與以晴霽。榔栗倚門邊。游情不可閉。村梅乃競發。光色偏一切。幽谷蒸奇香。深松襯翠玉鱗看漸飛。仙姿惜遺蛻。長日付閒身。墟里隨所詣。過嶺雪漫天。遙連鄧尉寺。千林皆照水。似以湖爲際。人苦不知足。更作齋糧計。

嶰茶新到設幽溪大師退谷居士二像于天池落木庵合祀之。二公留心茶事故所至必祭。

二像隨身列小軒。屢還能不失。溫存神來水國思其嗜。事稱山家禮不煩。寶鉢展開懶呪力。素盞斟酌待吟魂。平生茫昧今同食。帶笑相看無一言。

同州來游虎邱塔影園時新屬顧云美

坦步須乘興。名園今有人。地幽山隔岸。池靜塔分身。樹石維求舊。禽魚亦易觀。綠陰行滿眼。就此送殘春。天池雨後偕州來次玉小休憚臣入陽觀瀑

賀嶺之西千嶂綠。亂鳥如吟亦如哭。霧凇靡靡相覆被。殷日沉沉漸入地。前山夜遞雨聲來。飄瓦掀牀亦壯哉。爛漫橫眠交首足。重撥昏燈照古屋。擁衾起坐至天明。瀑水風松共一聲。飽餐捫腹無他事。殘雲已帶微陽至。新磨翠色有諸峰。一角紅鮮露遠寺。駕轡飛濤如匹練。嵌穴穿空流盡偏沸然。餘怒未能平。善觀水者于其變。懸巖欲落防崩石。入谷三人惟二屐。谷深陰晦昨宵同杖聲笠影在淒淒。怪來溼翠沾衣

重始悟行從雲氣中。

虎邱梅花樓得泉上人新住持木山奉賀四首 錄二

管領名樓也不閒。花朝月夕總相關。茶芽漸吐官牌急。待過清明便鎖山。
呵殿聲驟到石場。袈裟鵠立過茶漿。浮生盡說偷閒到。已累山僧半日忙。

七月望後寄寒碧上人

與鐘譯亡友
周旋甚善

楚鬼微吟上峽謠。中元法食可相招。憑師爲嘗興亡恨。雨打秋墳骨亦銷。

和州來梅花詩

古幹無花影絕奇。蒼嵐餘骨在山姿。他鄉警見驚心蕊。荒圃難尋入手枝。紙帳學眠生夢早。凍瓶清玩候
開遲。及將疎冷陪高士。怕是鱗鱗飄謝時。

右未開
梅

曉報開來到幾分。陰霾驅盡念天勤。人吟藜杖遙遙見。佛坐苔蘚默默薰。仰覆滿枝俱照水。色光繞隔未
消雲。城中自少看花眼。一任飄殘莫遣聞。

右盛開
梅

天池右崖有默然泉。洞僧惺然獨處二年。最爲孤僻路詰曲。蛇行乃可上。余住山五年。只兩到耳。
定僧宴坐面寒泉。落葉紛飛滿膝邊。半夜東峰殘月上。始知潭底是青天。

在久上人舊竹塢精舍月餘出山。他日相尋題此。

深入坡陀翠幾重。交柯陰翳駐幽踪。開窗稍擴莓苔壁。收拾東偏三兩峰。

玉鉤斜

殘脂臘馥土花凝。得近泉局侍寢興猶勝。當時銅雀妓。餘生憔悴望西陵。

二月望過顧云美塔影園。名其堂曰雲陽。問知用東漢宣處士隱雲陽山事。虞山先生作記。
半至春光山漸佳。閒情遇物自差排。周旋車馬稱通隱。指點園林敍本懷。流水穿花成小澗。殘陽留客戀。
西齋詩關時事人題竹。請付雙童信手揩。

機公上足清旭入山問句

閒關尋到吟詩處。咳唾從無舉似人。且待霜空羣木落。門前山始露來真。

連日陰雨元夕微晴城中燈市寂然感賦

楊柳蘇臺何處尋。千尋牧馬淖泥涔。春溝浸月人行絕。古巷攜燈犬吠深。懷舊不堪惟錄鬼。忘機難信試呼禽。莫嫌此處幽居僻。尚繫高流山澤心。

見投僅答其一
望齊門外陸墓名區。暑退交秋未成搖落。更革以來。詩客相依。寤寐神馳。入羣未果。方南明以四律

迴看城堞影模糊。便覺晨昏眺聽殊。暑後秋風吹半郭。里中詞客動全吳。交游漸闢鴻魚路。身世如居煙水圖。只我亂峰相伴老。微吟小飲一何孤。